

Broj: 05-02-5-1936/24
Sarajevo, 20.03.2024. godine

PARLAMENT FEDERACIJE BOSNE I HERCEGOVINE
ZASTUPNIČKI/PREDSTAVNIČKI DOM

n/p Tajnik/Sekretar

✓

Bosna i Hercegovina
Federacija Bosne i Hercegovine
PARLAMENT FEDERACIJE
S A R A J E V O

Primljeno: 28-03-2024			
Org. jed.	Broj	Priloga	Vrijednost
05/1	-02-	77	1/24

PREDMET: Odgovor na zastupničko pitanje, dostavlja se

VEZA: Vaš akt broj: 05/1-02-77/24 od 28.02.2024. godine
Akt Vlade Federacije BiH broj: 03-04-140-5/2024 od 05.03.2024. godine

Poštovani,

Vašim aktom, broj i datum veze, dostavili ste Vladi Federacije BiH zastupničko pitanje koje je postavio uvaženi zastupnik Admir Čavalić, radi davanja odgovora iz nadležnosti Federalnog ministarstva finansija-financija.

Uvaženi zastupnik traži odgovor na pitanje koje su mjere poduzete za kontrolu udaljenosti objekata igara na sreću od škola.

Shodno prednjem, **iz segmenta naše nadležnosti**, dostavljamo vam sljedeći

ODGOVOR

Sukladno odredbama čl. 59. stav (2), čl. 89. (3) tačka 9) i čl. 90. stav (4), čl. 104. tačka 9) Zakona o igrama na sreću ("Službene novine Federacije BiH" br. 48/15 i 60/15 – u daljem tekstu: „Zakon“), **koji je stupio na snagu dana 02.07.2015. godine, (za razliku od ranije važećih zakona) propisana je minimalna udaljenost lokacija za priređivanje svih posebnih igara na sreću, koja ne smije biti manja od 100 m od vjerskih objekata, osnovnih i srednjih škola.**

U upravnim postupcima izdavanja odobrenja za rad priređivača svih posebnih igara na sreću, ovo Ministarstvo kao relevantan dokaz o udaljenosti (koja ne smije biti manja od 100 metara od vjerskih objekata, osnovnih i srednjih škola), uvažava **isključivo dokument izdat od strane nadležne općinske/gradske službe** (izvod iz kopije katastarskog plana sa pismenim zaključkom o udaljenosti, potvrda/uvjerenje o činjenicama, nalaz komisije, i sl) na čijoj se teritoriji nalazi poslovni prostor određenog priređivača igara na sreću.

Stoga, od dana stupanja na snagu važećeg Zakona, u postupcima izdavanja odobrenja za rad priređivača svih posebnih igara na sreću, Ministarstvo odlučuje isključivo na osnovu gore navedenog propisanog dokaza nadležnog općinskog organa u vezi propisane udaljenosti.

Međutim, smatramo bitnim upoznati Vas da Zakonom dato **pravo na priređivanje** svih posebnih igara na sreću, priređivač **ostvaruje i putem drugih lokacija poslovnih prostora koje su ranije odobrene, na osnovu ranije važećeg Zakona o igrama na sreću** („Službene novine FBiH“, br. 01/02 i 40/10), **prema kojem nije bila propisana minimalna udaljenost** uplatnog mjesta od vjerskih objekata, te osnovnih i srednjih škola, kao jedan od uslova za izdavanje odobrenja.

Lokacije poslovnih prostora priređivača svih posebnih igara na sreću, odobrene prema starom Zakonu o igrama na sreću, predstavljaju stečeno pravo, odnosno pravni subjekt je već ušao u određenu pravnu situaciju odnosno poziciju. Naime, temeljni postulat principa vladavine prava, između ostaloga, čini i sigurnost pravnog subjekta u svoju pravnu poziciju, posebno ukoliko je verificirana određenim pojedinačnim aktom kao što je ovdje slučaj. Dakle, stečena prava su subjektivna prava, nastala (stečena) u prošlom pravnom poretku koji je zamijenjen novim, po kojemu ta prava ne bi mogla nastati. Stoga princip vladavine prava zabranjuje povratno djelovanje propisa odnosno primjenu propisa na slučajeve koji su nastali.

S poštovanjem,

CO:
- Vlada Federacije BiH

